



In festivitatem Nuptialem
 LECTISSIMORUM SPONSORUM,
 VIRI
 HONESTI ET INTEGERRIMI
 DN.

IOHANNIS MU-
 TII IUNIORIS OFFICIALIS

apud Lindovienses districtus Illu-
 stris Anhaltini,

S P O N S I:

Et

Virginis Honestissimæ

CATHARINÆ,

Reverendi, Clar: & doctis: viri DN.

ABRAHAMI CREMERI,

Ecclesiæ Lindoviensis apud Anhalti-
 nos Pastoris meritissimi,

FILIAE,

SPONSÆ:

VOTA AMICORUM

piè concepta.

SERVESTÆ

Typis Zachariæ Dörfferi,

M.DC.XXI.

Handwritten text, likely bleed-through from the reverse side of the page. The text is mirrored and includes the name "JOHANNES" and other illegible words.





Εὐφροσίας

ἡγι

Εὐφροσώνη

Novis Sponsis apprecatur

MARTINUS FÜSSELIVS D.

Serenissimo Electori Brandenburgico
à Sacris.

Ex Psalmo 115. v. 11. 12.

Vos qui timetis Jehovam, confidite in Jehovah. Nam
is auxilium & scutum horum est. Jehovah re-
cordatur nostri. Itaq; benedicet nobis. Bene-
dicet domui Israelis: benedicet domui Aaronis.



*N*ulla salus bello. Bellis sunt omnia ple-
na: (salus?

Annè tuis tædis, Sponse, parata

Et Tu, chare parens, incerto Marte periclis

Exponis Natam? tàm tibi vilis erat?

Suasferit haud mundi sapientia tale. Sed uni

Cælorum Regi fidere, certa salus.

Dan. 4. v. 35. Hujus ab arbitrio dependet machina mundi:

Dirigit is totum quicquid hic orbis agit.

A 2

Et

Pl. 46. v. 3. *Et licet incedat seruo Bellona triumpho:
 Terreat & magnos cumq; tremore viros:
 Momentum tamen ira Dei est, displodere tela
 Arma virosq; truces perdere, cura Dei est.
 Rom. 15. v. 4. Exemplis dives divina est pagina multis:
 Scilicet ut firmet pectora nostra fides.
 Ergo quid mirer factum? divine Sacerdos,
 Et Tu Sponse, Dei niteris arbitrio.
 Fidere cœlorum Regi, cum maxima virtus:
 Fidenti an non sit certa parata salus?
 Pl. 145. v. 9. 18. Certa parata salus cunctis, qui fidere Jovē
 Norunt. Et Vobis certa parata salus:
 Posthabitis quoniam tantis se visq; periclis,
 Est animus soli fidere cuncta Deo. (cus?
 Pl. 115. v. 11. Is scutum fuerit, quidquid fremat orbis & or-
 Auxiliū fuerit, quidquid & arma fremant.
 v. 12. Nostri namq; memor tam sancto ex fœdere,
 Diris permittet succubuisse suos. (nunquā
 Ipse recordatur, benè qui sibi fidere norunt:
 Hosq; eius semper sors benedicta iuvat.
 Tu domus Isacidū testis, domus atq; Aaronis:
 Et benedicta Dei, semper & usq; domus:
 Tantum cœlorum Regi confidite, Sponsi:
 Fidentes nescit deseruisse Deus.*

ABRA-

ABRAHAMO CREMERO,
Seniori.

Gratulor imâ mente, Te Jehovâh pronubo, & annu-
ente Illustrissimo Magistratu, charissimam Fili-
am tuam Catharinam, Dn. Johanni Mutio, offi-
ciali in Lindau, desponsasse, Sponsisq; felicissima
quæquè ominor: immò

Oro, ex arce Sionis
Hos ditet Domini manus
Larga: ut conspiciant bonis
Florentem Solymiam, simul
Donec vita manebit
Prolis adspiciant suæ
Longâ stirpe propaginem;

Johannes Weidnerus artis Me-
dicæ Doctor, Reipub. Grû-
nebergensis, in Silesia,
Physicus.

A 3

Ad

Ad Reverendum & Doctissimum
Virum,

Dn. ABRAHAMUM CREMERM,
Pastorem Lindaviensem, Dn. Collegam & Amicum
colendum, filiam natu Maximam, tempore
luctus publici, & caritatis annonæ,
elocantem,

Effe quid hoc dicam, lacrymoso tempore, gnatam
Quod Mutio nuptum das, Abrahame, tuam?
Scilicet, ut facias testatum, sorte in utrâq;
Gaudendum & standum speq; fideq; Deo.
Et Generum & Gnatam doceas confidere eidem,
Atq; sua huic uni dedere seq; Deo.
Felices animas, quibus hæc sunt gaudia cordi:
Quæ nec fors neq; mors surripuisse potest.
Apprecor hæc νερευύμφοις gaudia, pectore ab imo:
CHRISTE, dabis votis pondus inesse meis.

M. Johan: Theopoldus,
Superintendens
Serv:



A L I U D.

Connubione super nati natæq; recenti
Judicium rogitas, docte Cramere, meum?
Laudo bonum factum! fragilem premit undique
Supremumq; vehit curva senecta diem (mundū
Festinat CHRISTUS numerum complere fidelis,
Sanguine cui cœli regna parata, gregis:
Hinc castis urit juvenilia pectora flammis,
Ut seræ curam posteritatis agant.
Hujus opus quæ flamma tuas intravit in ædes,
Et juvenem natæ junxit amore parem.
Pastoris Natus natam Pastoris ad aras
Et thalami jura relligiosa vocat:
Connubio, thalami qui sanxit jura, Jehovam
Quis neget hoc CHRISTI crescere velle gregem?
Ergo bonum factum, me judice! Plaudite Sponsi:
En tibi judicium, docte Cramere, meum.

*M. Marcus Fridericus
Wendelinus, Gymnasii
Serrvestani Rector.*

ALLU-



ALLUSIO

ad

NOMEN SPONSÆ CATHA-
RINÆ.

Casta Deus mens est: Castos præcepit amores:
Et Castus Castâ mente coli voluit.
Larga simul Castis promittens præmia, sedes
Æternas, ipsis cœlica regna dedit.
Omniaq; his, præsens quæ vitæ postulat usus,
Subsidia omnipotens iussit adesse piis.
Felices ergò casto qui pectore Castum,
In cunctis, Dominum hunc nocte dieq; colunt!
Felices & Vos, Sponsi, pia corda, jugalis
Casta quibus thalami fœdera inire placet!
Sic vos caelesti semper curabit ab aulâ
Jova, Pater miserum, spes, via, vita, salus.
Aures sic precibus faciles præbebit: amarâ
Sub cruce divinum conferet auxilium.
Nec dabit ut Satanas, Sponsorum acerrimus hostis,
Vestrum perturbet fraude, doloq; thorum.

Sed

*Sed bene-defunctis cœlestem conferet aulam:
Æternâq; frui prosperitate dabit.*

Paucula hæc Affinibus sua-
vissimis, adornabat

M. Joach. Mencilius: Electo-
ris Brand. Ecclesiastes.



SALUTEM ET OBSER-
vantiam.

C Remere, *Ursinum* quid quæso ludis amicum
Ut interesse nuptiis velit vestris,
Ducens cōsortem, & pignora sancta thori?
Scilicet hoc erat, ut, geminâ trieteride lapsâ
Sed absq; prole, claudicet mihi Scazon,
Conanti vestris dicere læta sacris.
Hinc epos ut meditor, Elegi admiscentur, & ille
Utrisq; ineptus jungitur simul Scazon.
Nempè ità cum dextris sæpè sinistra cadunt!
Atq; adeò mirum est, tam cara & bellula dona,
Futura fulera, & sublicam suæ gentis
Sæpè Mathematicis esse negata viris!

B

(Aut

(Aut certè pura & pura ephemera germina pro-
Stolonum adinstar occidentia, ut nata, (munt,
Rarò venturis commoda temporibus.)

*At quantò Aaronis fœcundior ordo perenne
Turget ab irriguis cœlesti è rore fluentis:
Nec mundo immundo se tantum continet, Ipsè
Sed cœlo Indigetes producit, & ordine longo
Suspicit, & laudat, & adorat adoream avorum;
Despicit, oxoratq; Deum ter mille nepotes.
Hujus Te vivum exemplar, Cremere, saluto,
Quem tenus hac senùm sexûs utriusq; Parentem
Natorum (nî fallor) novimus: en series huic
Quartus se admiscet fausto omine Filius, idem
Mox Quintum, aut Quartum geniturus, Avumq;
Facturus, solo Patris olim nomine letum. (Cremerum
Maçte Dei hoc tanto, & tam sancto munere, maçte!
Quiq; preces pro Te tam fortes fundis, Amicis
Parte etiam succurre aliquâ, succedeq; votis.
Sesamaq; & violas inter det vivere Sponsos
Jova Deus, videatq; oculis sacra vestra secundis.*

In Valle Joachim:

inter occupationes

bono affectu deproperabam

M. Benjamin Ursinus, Ma-
thematicus Electoralis.

AD



AD Dn. SPONSUM.

Interrogati, quæ Viro ducenda sit
Uxor, torus futurus ut prosperrimè
Succedat, unâ voce cordati oreq;
Suadent, parem Viro eligendam Conjugem.
Tu *Sponse*, certè, si quis unquam, me nisi
Opinio fefellerit mea, eligis
Parem tibi Natalibus Sponsam, Fide,
Ætate, curâ, Moribus parem eligis.
Pastore Natus Patre ducis Filiam
Pastoris: ipse maximus natu. tui
Inter parentis filios, & maximam
Natu è tribus sororibus Sponsam legis.
Quam tu foves, & ipsa Sponsa liberè
Fatetur ore, corde sincero fidem
Amplectitur, tuetur: hac sese unicè
Credidit viam veræ salutis pergere.
Ætate florens integerq; viribus
Ætate florentem integramq; viribus
Ducis puellam non-maritus virginem,
Formæ decoram laude ducis virginem.

B 2

Dum

Dum tu foras commissa curæ publicæ
Obis tuæ laboriosus munia,
Obit suæ commissa curæ gnaviter
Domi fidelis Sponsa, tractat sedulo.

De Moribus res certa. Quàm pulchrè tuis
Mores puellæ moribus respondeant,
Quis rectius te noverit, qui candidos
In candido mores probasti pectore?

Si forsan impar esse quid, si cedere
Non ex tuâ videbitur sententiâ,
Quid tum? parū hinc periculi. Sponsa omnia
Mox cauta nutus applicabit ad tuos.

Quis ergo non quater beatum prædicet
Te, *Sponse*, quis vestro toro prosperrima
Non ominetur quæq;? Quis non omnia
Cessura Vobis credat ex sententiâ?

Cum legeris Sponsam tibi Natalibus
Parem puellam, cum fide parem tibi
Ætate Curâ Moribus cum legeris.
Cum non-maritus virginem selegeris.

M. Petrus à Jena
Scholæ Servestanæ
Rector.

Ad



Ad

Dn. JOHANNEM MUTIUM,
amicum veterem,

SPONSUM.

Contempto potuit sibi Mutius urere dextram
Igne, suiq; tulit nominis inde decus.
Quod facinus? longis ussit vel pectora flammis
Mutius hic noster, nomen & inde feret?
Nempe! suum vix muta ferunt monumenta Quiritem,
Balbutire velint hunc quoq; viva brevi.
Istius en quanto tua flamma celebrior! o quin
Sic hodie fieri Mutius ipse precer!

Extemporaneo stilo poeta
batur

Joachimus Flemingus,
Scholæ Dessanæ
Rector.

B 3

Paro-



Parodia ad Hor; lib. 3. Odar. 26.

Ad Sponsum.

Vixti *Puella* nuper amabilis,
Dum militasti suaviolis bonis:
Te fungier tandem virili
Officio Juvenem virentem
Levum pudicæ jam Veneris latus
Docebit. Hic hic tollite, tollite
Circense tormentum, citato
Sternite Leuconium meatu.
O qui beatum, *Sancte*, tenes polum &
Terram scatentem multiplici bono
Jehova, felici flabello
Tange *virum* noviter cubantem.

De proper: affectus ergo

Zacharias Haring. Reichen-
bachiô-Silesius: SS.LL.Stu-
diosus.

F I N I S.





Cl 1926

ULB Halle 3
001 556 118




Stk. 6 = Handschrift

Sb.

Paul Friedrich
Buchbindereimeritor
Merseburg a. S.

1017







Nuptialem
 SPONSORUM,
 INTEGERRIMI
 NIS MU.
 OFFICIALIS
 districtus Illu-
 altini,
 N S I:
 nestissima
 RINÆ,
 doctis: viri DN.
 CREMERI,
 nis apud Anhalti-
 meritissimi,
 I AE,
 SÆ:
 MICORUM
 cepta.
 ESTÆ
 riæ Dörfferi,
 . XXI.

B.I.G.

Farbkarte #13

Blue
 Cyan
 Green
 Yellow
 Red
 Magenta
 White
 3/Color
 Black

Inches
 Centimetres
 1 2 3 4 5 6 7 8 9 10 11 12 13 14 15 16 17 18 19 8